

大 中 丞 鑒 定

楚南何晴山先生纂脩

續資治通鑑長編

思補堂藏板

續修長葛縣志序

繻葛續志成何令錄其草本請序  
於予因爲之澄慮繙閱字櫛句潤  
乃進而告之曰斯志也徵事必謀  
諸人立言必本之已不敢以疑信

參故世遠則略不敢以簡陋棄故  
迄今獨詳爲綱有六爲目四十或  
重言以申意或更端以成章前後  
叠見不厭再三觀何令之用心可  
謂勤矣且何令亦知

聖天子所以纂修大一統志之意乎

察道里之遠近圖山川之險易不

出戶庭智周萬國此通於天下者

也若夫辨貞淫驗饒瘠覈生齒識

盈虛稽教養於官師採賢良於桑

梓此則某邑某氏各自爲書者也  
然則是志也上以昭

聖天子統御寰區之盛下以爲千百

世觀摩攷訂之資且以備天祿石  
渠之採擇觀風問俗之諮求安可

不愼重其事雅馴其詞哉矧志固  
有體也都邑變遷名稱屢改而山  
川形勝千古不易非博則遺漏者  
多矣官師人物勸懲所係旣爲立  
傳必用史裁里巷之談不以辱筆

簡而能該乃云盡善藝文不精終  
爲疵類舍古就今是曰徇人其間  
議論亦惟有關於政治治民生者可  
咨嗟反覆唱歎言之餘則列其原  
委不必誇多也予自徵中州續修

各志以稿呈者七十餘部合於體  
者僅一二見而已今何令早作夜  
思日拊摩其民登之衽席求不負

聖天子畀以一方之重寄而又出其  
餘力叅訂成書其用心之勤如此



吾知繻葛之志可免疑與陋之弊  
矣且繻葛古鄭地子產之衣冠劍  
佩在焉古稱子產有詞諸侯賴之  
今必有嗣音者俾言之文行之遠  
不失博物君子之號吾於何令有




厚望焉故予序其志不爲溢詞惟  
舉作志之體式以弁諸首豈獨以  
告繻葛凡兩河郡縣咸當視此以  
爲折衷可也

康熙三十年歲次辛未季夏望日

巡撫河南等處地方提督軍務兼

理河道都察院右副都御史加四

級宣鎮閣典邦題于大梁署中



續修長葛縣志序

今

皇帝二十有七載

大中丞閻公奉

命出撫中州剔釐利弊政教具舉不

期月而吏畏民懷已臻久道化  
成之治矣

聖天子在上百度咸勅文教聿興海

隅出日罔不漸被况豫省聖賢

肇跡之區考文徵獻猶有未備

殊爲缺典蓋兩河舊有通志三  
十年未經修葺且蹂躪之餘典  
籍蕩然非所以應

昌隆之運而爲邦家之光也爾乃

大中丞羅上客于梁園置文壇於

嵩麓復

檄郡邑博采章程通行及萬捧讀  
憲章以欣以懼鼎以經生承之五  
稔每慮無以應采風而存方策  
也但簿書倥偬日不暇給然未

逢

盛典雖學慚二酉才乏三長敢不

竭蹶趨承以應

憲意所幸

皇皇憲檄縷析條分依歸有自其



間刪繁就簡補舊增新不敢持  
一己之見聞而令士民之公論  
不敢憑一時之私憶而質故舊  
之信徵爲目三十有三爲綱有  
六爲言十萬有奇費時五閱月

稿成申之

撫憲不嫌荒蕪俯賜緡閱句櫛字

潤定分正名若刪訛削逆凜然

春秋綱目之遺法不特一時之

疎忽可正而千載之是非已明

更蒙不惜

珠玉錫以弁言期之以博雅勗之

以功名夫三都著作得名覽之

叙而文始傳二陸聲名藉鉅公

之許而人乃顯鼎也自慚鄙陋

何幸得此獎借而附名于不朽  
耶是志也采之輶軒達之


廊廟卽藁爾一隅而我

公理學之淵源經綸之魏煥已可

槩見矣謹序

康熙三十年歲次辛未相月知

長葛縣事楚南何鼎謨



長葛縣志目錄

卷之一

方輿志

沿革

疆域

分野

吳祥附

山川

附 岡阜 陂溝

河坊

古蹟

戰爭

風俗

卷之二

建設志

城池

學校

公署

舖舍附

祀宇

墓域

寺觀

坊表

街衢

橋梁

鄉村

鎮集

卷之三

賦役志

戶口

賦稅

里甲

課程

物產

卷之四

官職志

官制

職官

宦蹟

薦舉

科目

貢監武職  
附

卷之五

人物志上

列傳

卷之六

人物志下

分傳

孝義  
列女

隱逸

耆壽

技術

流寓

卷之七



藝文志上

詔勅

記

碑

卷之八

藝文志下

序

傳

誄

頌

賦

詩

詞

長葛縣志目錄終

長葛縣志

修志詳稿

開封府許州長葛縣爲續修志書以存文獻事康熙二十九年七月二十五日蒙

巡撫河南等處地方提督軍務兼理河道都察院右副都御史加四級閩 憲牌照得郡邑有志必信必徵始足傳後其間博而不支簡而能盡彬彬大雅上之可列于職方下之可藏于石室蓋有關于政治者非淺也豫省當天下之中道里所均古

聖先賢大半發跡于斯則軒輶所志未有不訪其  
故實者而郡邑之志已三十餘年莫之增修其爲  
遺漏者多矣又昔年修志止取脩文未加考訂或  
限以數日或所託非人

本都院逐一查閱府志如河南南陽縣志如宜陽  
河陰蘭陽等志荒謬失倫甚可痛舉至于安陽汲  
縣乃彰德衛輝兩府首善之志書尤爲缺典今  
本都院已將通省志書設局修正而各府州縣所  
送續冊未能畫一又通志所載限于定格不能如

府州縣之詳則三十餘年所遺者十之六七自此  
漸遠漸至凋殘文獻無徵何從取信矧此三十年  
皆我

皇上生聚教養之所培育其戶口日增土田日闢文治  
隆而風俗厚災祥見而官民警安可不大書特書  
以爲一代盛典哉擬合通行續修爲此牌仰該縣  
官吏照牌事理卽延擇文學名儒熟知典故長於  
史事者博採典章蒐羅遺軼其舊志未載者一一  
補之舊志之外謬者悉改正之不得以同名疑誤

相沿不得以裨官小說攙入

本都院又恐各屬參差不齊未歸畫一將凡例開  
明粘單于右悉照此爲規程若夫敘論之古雅典  
茂俱屬才人之筆在乎各自留心稿成先錄草本  
呈送

本都院披閱裁定其所費紙張工料須量力捐資  
真勿絲毫派之民間諒此不朽之盛舉可指日觀  
成也速速計粘單一紙等因到縣蒙此該  
畢職  
遵

查政教存乎典章邑乘關於國史使三

缺畧無傳則千百世纂修信從奚自幸遇

憲臺膺岳牧之重任擅燕許之弘才值圖書呈瑞  
之區肯使章程未脩當

文教昌隆之會要令制度維新蓮幕重開博採風徽郡

邑鴻猷獨運遠昭文獻中州嚴立科條詳爲典則

卑職

欣逢盛業樂効菲材慨已往之舛訛慮將來

之湮沒詳繹

憲頒條例謹守懿規特延文學諸生共襄勝舉確  
稽舊志以存先世儀型廣覽羣編用補前賢散佚

刪繁而就簡乃載筆之體裁補舊以增新亦纂修  
之要術疆域山川之名義必質諸經史而徵諸見  
聞城池宮室之經營亦著其前徽而詳其後效錢  
穀上關

國計務恤民私風俗重繫人心力敦古道棠陰致頌用  
存觀感之恩喬木揚休特表英賢之望若黎庶能  
全天性閭閻可擅芳名雖潛德幽光自昔未蒙獎  
勵而輿情衆議于今已有定評至于異蹟靈踪遐  
思勝槩高人韵事遙仰徽音庶乎隱顯不致有踈

而巨微可以罔失矣他如殘碑斷碣曾有懷子博  
雅而公私不可並存巷咏衢歌常不遺于採風而  
妍媸豈容漫述大抵紀事必期典要而立言貴乎  
雅馴者也且凜凜爲懷拳拳注意不惜士民嫌怨  
合群是群非之口用昭大公惟遵

憲檄規條秉其難其慎之心以成巨典紀述每煩  
衆意必費權衡序論多出心裁幾經斟酌但數年  
承乏愧無善政可稽而多士品題容有過情緒論  
拊心自愧翹首原情伏冀



筆削宗工不與荒誣棄置敢懇

珠璣弁首以增簡冊光輝用是躬親校對無訛命  
匠裝潢成帙遵頒呈式伏候

憲裁

修志姓氏

總裁

巡撫河南等處提督兼理河道兼都察院副都御史加四級閻興邦

梅公宣府前衛人癸卯

提調

河南等處承宣布政使司布政使加三級田啓光

四表滿洲籍陽信人

河南等處提刑按察使司按察使加一級楊鳳起

秀簡奉天遼陽人生員

管理河南通省驛驛兼理糧儲倉守關歸河道布政使司叅政韓俊傑

陝西涇州人官陰

提督河南通省學政按察使司僉事張潤民

敬齋山西夏縣人丁未

河南通省巡理河道提刑按察使司僉事加一級牟銓元

衡山遼東人

督理

河南開封府知府加一級蘇佳嗣

詰人奉天遼陽人廕生

河南開封府鹽捕同知加一級郭名遠

鴻儒奉天人監生

河南開封府南河同知加一級王永羲

維庵江南上元人貢監

河南開封府北河同知吳延壽

梅公奉天開原人

河南開封府管糧通判劉君向

葵臣莆田人恩貢

河南開封府許州知州楊岐生

亦周奉天人廕生

纂修

河南開封府許州長葛縣知縣何

晴山湖廣靖州人丙午

較正

長葛縣儒學教諭 呂賁恒 文啓新安人歲貢

長葛縣儒學訓導 竇應選 安愚鹿邑人歲貢

督工

長葛縣典史 倪釋經 漢儒順天騰驤人

訂正

邑人舉人 李重素

邑人國學生 黃光裕

邑人增廣生員 程日鵬

邑人廩膳生員張興

邑人廩膳生員李承鄴

采輯

邑人歲貢郭汝楫

邑人國學生尹循

邑人貢王朝興

邑人貢孟禹範

邑人貢胥粹儒

邑人貢張劫